

Quater purschidas sut in tetg

La pratica communabla alla Via Santeri 12 a Glion envida al gi dallas portas aviartas

■ (anr/ac) **Lucrezia Berther, Sonia Varana Vinzens, Sarah Gliott-Bucher ed Erna Furger porschan differenta metodica che sedrezza alla sanadad a favur dil beinſtar human. Ellas fan quei bein mintgina a moda individuala, denton dapi il november vargau sut il medem tetg. Lur pratica communabla arva las portas per seprentar alla publicitad.** Igl interess communabel ein il carstgaun e sia sanadad. E per contribuir a quella sanadad e la finfinala al beinſtar human fan las quater dunnas diever da differenta metodica. Che *Lucrezia Berther, Sonia Varana Vinzens, Sarah Gliott-Bucher ed Erna Furger* porschan lur survetsch sut il medem tetg ei plitost casual. Lucrezia Berther ha semplamein encuretq cunfittaders dallas localitads alla Via Santeri. Ella ha leu gia aviert avon entgin temps sia pratica sco psicoterapeuta independenta.

Lucrezia Berther ha gia luvrau per il Survetsch ortopedagogic Grischun e per il post da cussegliazun per igl agid dad unfrendas e per il post per la protecziun dils affons. Ina scolaziun cuntinuada ei per ella indispensabla per saver exequir sia lavur sco terapeuta. La purschida da Sonia Varana Vinzens ei plitost nova e buca ton enconuschenta. Aschia define-scha ella sias stentas actualas per lavur da fitgar pei, denton sco ella ha puntuau, cun in bien resun. Sonia Varana Vinzens sefatschenta cun lavur mediala curativa che sedrezza all'energia humana e plidentha divers malessers. Sarah Gliott-Bucher porscha medischna natirala e quei cun la homeopatia classica. Antruras ha ella



Sarah Gliott-Bucher, Sonia Varana Vinzens, Erna Furger e Lucrezia Berther (da sen.) selegnan da presentar lur pratica communabla alla publicitad.

FOTO A. CADONAU

luvrau sco apotechera diplomada e quella lavur ha possibilitau, tenor atgnas indicaziuns, in'egliada differenziada ella medischna classica sco complementara.

Sco homeopata diplomada vul ella sapientivamein porscher a ses pazients la pusseivladad da cumbinar la purschida dalla medischna classica cun la homeo-

patia. Erna Furger sefatschenta cun il moviment dil carstgaun e quei principamein sco pedagoda da Feldenkrais e quei gia dapi 15 onns. Ella ha luvrau ton a Val

Sogn Pieder sco a Turitg e vul uss augmentar sia preschientscha a Glion. La metoda da Feldenkrais plidentha ils ligioms denter la gnarva e la musculatura. Sco Erna Furger ha dau d'entellir sedrezza sia purschida a persunas da tuttas vegliadetgnas. Persunas che piteschan dad in moviment restrenschiu suenter in accident, reuma ni mals cronics ni da maldispostadad neu dalla clamada ni era dil sport.

Nezegiar sinergias

Bein lavura mintgina dallas dunnas independentamein e cun atgna clientella. Malgrad che la metodica resta differenta possedan las dunnas ina finamira communabla. Numnadamein da porscher migliur alla clientella che basegna sustegn sin ina moda ni l'au-tra.

Las quater dunnas vulan aschia profiter viceversa dad experienzas ed enconuschentschas che mintgina fa en sia atgna sparta. Da quella cumbinaziun duei la finfinala era la clientella profiter. La cuminonza da pratica dallas quater dunnas cun ina ferma purschida da medischna complementara ei probabel in unicum en Surselva. Tonpli lessen Lucrezia Berther, Sonia Varana Vinzens, Sarah Gliott-Bucher ed Erna Furger porscher alla publicitad investa buca sulet ellas localitads alla Via Santeri 12 a Glion. Ellas vulan medemamein intermediar e presentar l'atgna purschida. Per quei motiv envidan ellas ad in gi dallas portas aviartas e quei ils 22 da schaner 2016 naven dallas 15.00 entochen allas 20.00.